

四庫全書

史部

欽定四庫全書

欽定外藩蒙古回部王公表傳卷之二十七

傳第十一

柰曼部總傳

柰曼部在喜峰口外至

京師千有百一十里東西距九十五里南北距二百  
二十里東界喀爾喀左翼西界敖漢南界土默特  
北界翁牛特元太祖嘗偕其弟哈布圖哈薩爾平

柰曼部詳見元史太祖十六世孫圖魯博羅特三  
傳至額森偉徵諾顏即以為所部號子衮楚克嗣  
稱巴圖魯台吉服屬於察哈爾以林丹汗不道天  
聰元年偕從子鄂齊爾等率屬來歸

詔還舊牧鄂齊爾以卒巡徼斬察哈爾兵百獲牲畜百餘  
獻

賜號和碩齊

賚甲一八年

遣大臣赴碩翁科爾定諸藩牧以巴克阿爾和碩巴噶什  
噶蘇台為柰曼界崇德元年授扎薩克爵多羅達  
爾漢郡王先是所部阿邦和碩齊從大軍勦茂明  
安部逃賊有功至是以宣

諭朝鮮衮楚克遣屬岱都齊齎書從遇明皮島兵阻擊之  
斬賊二被創還悉蒙

獎賚五年遣屬扎丹隨大軍征索倫凱旋得

優賜七年復遣屬善丹薩爾圖隨征明由黃坼口入邊下

薊州趨山東攻克兗州八年善丹來獻俘

賜宴順治元年從入山海關擊流賊李自成康熙十四年

察哈爾布爾尼叛扎薩克郡王扎木三應之徙察  
罕郭勒與布爾尼賊壘聯聲援且遣黨煽諸扎薩  
克

詔撫遠大將軍信郡王鄂扎率師討至達祿布爾尼敗遁  
為科爾沁額駙沙津陣斬扎木三獻縛乞罪

特旨貸死更

優獎不附逆諸台吉鄂齊爾由一等台吉襲扎薩克郡王  
爵烏勒木濟由二等台吉晉貝子格呀爾由二等  
台吉晉輔國公烏爾圖納素圖由三等台吉晉一  
等台吉鄂齊爾長子額爾德尼授三等台吉二十  
年

詔發喜峰口倉粟賑所屬貧戶雍正五年所部歉收

賜帑賑之九年隨大軍勦噶爾丹策凌初柰曼與教漢逢  
國家典禮及征伐事先後偕來位秩如一獨扎木三

懷貳遂不齒於教漢迨鄂齊爾重膺

錫封奉職惟謹而荷

恩亦如故焉所部一旗駐彰武臺隸昭烏達盟其爵為扎

薩克多羅達爾漢郡王

扎薩克多羅達爾漢郡王袞楚克列傳

袞楚克柰曼部人姓博爾濟吉特元太祖二十世

孫天聰元年三月遣使獻明誘降書七月迎

覲遼河

行幄

賜宴

賚雕鞍良馬

遣歸十二月袞楚克來朝復

賚金珠皮幣甲冑鞍馬二年五月偕扎魯特台吉喀巴海  
隨大軍征察哈爾固特塔布囊等於阿拉克綽特  
斬台吉噶爾圖俘七百

賜號達爾漢九月復由都爾弼追勦察哈爾逸衆於錫爾



金史紀事本末 卷二十七  
哈錫伯圖英湯圖及興安嶺

諭勿妄殺降嚴汛哨三年五月因越界駐牧自請罰馬百

駝十

詔罰馬一餘免十月從征明由陽什穆河入大安口克遵  
化五年圍明大凌河敗錦州援兵六年從征察哈  
爾越興安嶺至布隆圖移征明歸化城及宣府八  
年隨大軍由扎木哈克征察哈爾至烏爾圖布拉  
克移兵喀喇鄂博克明得勝堡由大同至朔州以

離營別宿且爭俘傷喀喇沁部卒議罰駝三百馬  
三千并籍其衆

詔從寬罰駝十馬百崇德元年封扎薩克多羅達爾漢郡  
王

詔世襲罔替二年隨大軍由朝鮮進征瓦爾喀俘獲甚衆  
師還諸扎薩克追論其初往瓦爾喀時未與躡後  
之朝鮮兵還戰應罰馬百

詔以敗敵有功免三之一三年二月從征喀爾喀扎薩克

金史紀事本末 卷二十七  
圖汗由興安嶺至登努蘇台偵遁乃還九月從征  
明由墻子嶺入邊越北京趨山東攻克濟南因遣  
兵不及額議罰馬五十

命宥之四年二月扈

駕征明松山六年隨大軍圍明錦州迎擊援兵於松山兩  
紅旗鑲藍旗列營乳峰山為明兵所襲諸軍擊卻  
之哀楚克以距汎遠不即馳至七年論罪應削爵  
上鑒其年邁宥之順治三年隨豫親王多鐸追勦蘇尼特

叛人騰機思至扎濟布拉克敗喀爾喀土謝圖汗  
車臣汗援兵十年卒子四長巴達哩授和碩額駙  
次阿罕次扎木三相繼襲郡王皆以罪削次烏勒  
木濟封貝子以非世爵不立傳

一次襲阿罕袞楚克次子順治十年襲扎薩克多  
羅達爾漢郡王十六年以匿罪人綽爾濟懼其屬翁  
鄂拜首戕之議罪削爵奪所屬人戶

命其弟扎木三襲

二次襲扎木三袞楚克第三子順治十七年襲扎薩克多羅達爾漢郡王康熙十四年以叛應察哈爾布爾尼罪王大臣等議斬妻子沒入官為奴

詔免死留妻子及牲畜飭自給其原爵以袞楚克孫鄂齊爾襲

三次襲鄂齊爾袞楚克孫和碩額駙巴達哩之長子初授一等台吉康熙十四年扎木三誘之叛鄂齊爾不從攜孥及九佐領兵避徙喀喇沁牧

上嘉忠貞

命襲其祖扎薩克多羅達爾漢郡王原爵二十六年卒子  
班第襲弟格呼爾別封輔國公以非世爵不立傳  
四次襲班第鄂齊爾第六子康熙二十七年襲扎  
薩克多羅達爾漢郡王二十九年隨大軍勦噶爾  
丹於烏蘭布通三十四年赴巴林防禦三十五年  
調烏爾輝四十六年卒子垂忠襲

五次襲垂忠班第長子康熙四十六年襲扎薩克

多羅達爾漢郡王五十九年以扈

駕行圍不請

旨遽歸罪削爵

命其弟阿咱拉襲

六次襲阿咱拉班第第三子康熙五十九年襲扎

薩克多羅達爾漢郡王乾隆二十二年卒子拉旺

喇布坦襲

七次襲拉旺喇布坦阿咱拉長子乾隆二十二年

襲扎薩克多羅達爾漢郡王四十九年

詔世襲罔替



欽定外藩蒙古回部王公表傳卷之二十七

欽定四庫全書

欽定外藩蒙古回部王公表傳卷之二十八

傳第十二

巴林部總傳

巴林部在古北口外至

京師九百六十里東西距二百五十一里南北距二百三十三里東界阿魯科爾沁西界克什克騰南界翁牛特北界烏珠穆沁元太祖十六世孫阿爾

楚博羅特生和爾朔齊哈薩爾子二長烏巴什詳  
扎魯特部總傳次蘇巴海稱達爾漢諾顏號所部  
曰巴林子巴噶巴圖爾嗣有子三長額布格岱洪  
巴圖魯次和托果爾昂哈次色特爾初皆服屬於  
喀爾喀天命四年額布格岱洪巴圖魯偕喀爾喀  
部長遣使乞盟

允之十一年春以背盟私與明和大軍往討陣斬台吉囊  
努克冬討扎魯特

詔分軍入部境以張兵勢焚原驅哨而還會察哈爾林丹  
汗掠其部諸台吉皆奔依科爾沁天聰二年色特  
爾率子色布騰及額布格岱洪巴圖魯子色稜和  
托果爾昂哈子滿珠習禮等自科爾沁來歸

優賚撫輯之三年從征明由陽什穆河入大安口克遵化  
四年攻昌黎與扎魯特兵圍城北六年從略大同  
宣府邊八年五月會兵扎木哈克征察哈爾

賜宰桑布兌山津雕鞍良馬遂由獨石口征明朔州克堡

八十月

遣大臣赴碩翁科爾定諸藩牧以扈拉琿瑚呼布哩都克  
哩葉哈達瑚濟爾阿達克為巴林界九年大軍收  
察哈爾部布兌山津以來朝預

宴因奉觴慶

上曰承天眷祐吉慶肇臻宜益圖治道倘朕政有違闕爾  
當直言極諫何相侑以酒乎布兌山津慚而退崇德元  
年選兵從征明三年自墻子嶺入明邊樹雲梯攻

城台吉阿玉什屬索爾古先登克之四年圍錦州  
六年圍松山七年獻俘

賚將弁幣順治元年從入山海關擊流賊李自成五年

詔編所部佐領以滿珠習禮掌左翼爵固山貝子色布騰  
掌右翼爵多羅郡王各授扎薩克康熙二十一年

上幸塞外

駐蹕烏拉岱兩翼扎薩克率諸台吉來朝

賜冠服弓矢銀幣有差二十八年

詔發古北口倉粟賑所屬貧戶二十九年

命額駙阿喇布坦率兩翼兵四百赴葫蘆郭勒偵噶爾丹  
是役也色布騰子格呼爾圖納木扎孫納木達克  
桑哩達烏爾袞暨族台吉沙克塔爾等皆從格呼  
爾圖尤衝鋒奮擊師旋得

優賚三十四年以噶爾丹掠喀爾喀至巴顏烏蘭

詔檄教漢柰曼兵赴阿喇布坦軍并

命納木達克烏爾袞等防禦烏珠穆沁汛是年所部歉收

詔發坡賴村米賑之三十八年

諭曰朕軫念蒙古生計遣官教養以各安生理無不樂業者邇聞巴林飢乏朕甚憫惻著護軍統領鄂克濟哈學士蘇赫納往會扎薩克等將現貯巴林米千石散賑若人衆米寡著再運坡賴米賑給雍正九年隨大軍勦噶爾丹策凌二等台吉璘瞻追賊察巴罕河獲駝馬又擊之於塔爾勒圖固爾班什勒諸處叙功晉授一等台吉所部二旗右翼駐托鉢山左翼駐阿察



圖拖羅海隸昭烏達盟爵四親王品級扎薩克多  
羅郡王一扎薩克固山貝子一附固山貝子二

扎薩克多羅郡王色布騰列傳

今襲親王品級

色布騰巴林部人姓博爾濟吉特元太祖二十一  
世孫父色特爾天聰二年來歸貢駝馬

上率諸貝勒出迎

賜宴三年從征明馬多瘡議罰駝馬甲冑

詔免六年從征察哈爾發兵少

諭責之曰巴林托命我國自應竭力戎行何乃吝惜馬匹  
怠緩不前爾附近喀爾喀諸部為察哈爾侵掠甚或離  
其妻孥取其部曲今朕興師伐之正爾等奮志雪仇期  
也乃色特爾動輒託病嗜飲無度是無病而徒為酒困  
耳因叩首請罪

上宥之禮如初未幾色特爾卒崇德五年色布騰來朝  
賜儀仗六年春貢貂皮駝馬冬貢如之

優賚其屬巴塞柰僧格拜噶爾等八年以征明錦州松山

凱旋表賀捷順治元年隨都統巴哈納等定山東  
三年從豫親王多鐸追勦蘇尼特叛人騰機思敗  
喀爾喀土謝圖汗車臣汗援兵五年正月封扎薩  
克輔國公二月尚固倫淑慧公主授固倫額駙七  
年追叙色特爾來歸功晉爵多羅郡王

詔世襲罔替八年來朝

賜宴康熙六年卒七年子鄂齊爾襲鄂齊爾與弟格呼爾  
圖納木扎皆淑慧公主出淑慧公主

聖祖仁皇帝長姑也十二年

上召諭侍衛武格曰

太皇太后甚念淑慧公主可將朕所乘轎馳驛往迎先是  
太皇太后聖體違和比公主至喜甚進膳如常三十一年  
詔設公主護衛長史視貝勒額三十五年鄂齊爾子烏爾  
袞尚榮憲公主護衛長史如之三十九年淑慧公  
主薨

諭曰公主係朕姑

太皇太后在時特蒙眷愛曾以託朕朕亦面允公主待姑  
年邁迎至京師凡一切應用之物朕皆承理以終天年  
及病篤見朕親臨視疾含笑而逝公主生逢泰運居蒙  
古五十餘載躬享高年子孫繁盛諸福備矣朕嘆悼之  
懷因少解焉四十四年

諭曰朕諸姑俱棄世諸姑之子僅存格呼爾圖納木扎二  
人向來公主之子坐班在公列其授格呼爾圖納木扎  
為公食俸

一次襲鄂齊爾色布騰次子康熙七年襲扎薩克  
多羅郡王十二年春來朝扈

駕獵南苑

命偕教漢郡王布達喀爾喀右翼貝勒衮布伊勒登等樹  
侯校射冬復來朝會逆藩吳三桂叛請從征獻馬  
助

諭還牧聽調十三年遵

旨遣弟格呼爾圖偕左翼貝子溫春督兵赴兗州十四年

察哈爾布爾尼叛鄂齊爾聞

召即至隨撫遠大將軍信郡王鄂扎討平之二十二年卒

子三長納木達克次烏爾袞次桑哩達相繼襲

二次襲納木達克鄂齊爾長子康熙二十三年襲

扎薩克多羅郡王二十九年隨大軍領勦噶爾丹

得

優賚四十二年卒弟烏爾袞襲

三次襲烏爾袞鄂齊爾次子康熙三十五年尚和

碩榮憲公主授和碩額駙四十三年襲扎薩克多  
羅郡王四十八年榮憲公主晉封固倫公主授烏  
爾袞固倫額駙五十六年隨大軍赴阿爾台防禦  
策妄阿喇布坦尋以母喪還五十八年仍

命赴軍偕振武將軍傅爾丹籌軍務烏爾袞以蒙古從征  
兵月給羊價不敷奏請增給

允之六十年卒於軍子璘布襲

四次襲璘布烏爾袞長子尚縣主授多羅額駙康



熙六十一年襲扎薩克多羅郡王雍正八年以縱飲擅殺護衛罪削爵

命其叔父桑哩達襲

五次襲桑哩達鄂齊爾第三子初授二等台吉康熙四十四年來朝

諭協理旗務五十四年大軍防禦策妄阿喇布坦桑哩達請從

允之五十九年以兵百隨前鋒統領定壽等擊賊鏗額爾

河俘宰桑貝坤等百餘人偵賊屯烏蘭呼濟爾復  
隨振武將軍傅爾丹往焚糧賊尾襲仍敗之

賚冠服甲冑雍正三年

詔獎功封輔國公八年襲扎薩克多羅郡王九年偕蘇尼  
特郡王垂濟恭蘇隆督兵五百隨大軍勦噶爾丹  
策凌

命偕喀爾喀親王丹津多爾濟及副都統烏察喇等擊賊  
於蘇克阿勒達呼尋以兵分防達什哩十年勦賊

至額爾德尼昭偵據阜仰攻之礮傷額仍奮擊賊  
走推河復偕從子璘瞻追勦俘斬甚衆

獎賚之十一年防察罕布爾哈蘇十三年防烏里雅蘇台

尋撤兵還乾隆四年授副盟長十三年卒子璘沁  
襲

六次襲璘沁桑哩達長子初授二等台吉雍正九  
年隨父桑哩達赴北路軍十年桑哩達遣入

覲奉

諭嘉獎

賜銀千兩授一等台吉乾隆六年

命御前行走八年封輔國公十三年襲扎薩克多羅郡王十四年

賜號和碩齊十五年授副盟長十八年晉盟長十九年上嘉其勤慎

賜親王品級二十年授議政大臣

諭隨定北將軍班第勦達瓦齊於伊犁六月達瓦齊就

擒師還

諭防護俘囚九月至波羅河屯

覲行幄以病

命還牧二十一年璘沁卒

賜銀三千兩

遣宗室公永弼永昌往祭尋

諭曰巴林扎薩克王爵應於璘沁諸子內簡襲額駙德勒克雖係長子難勝扎薩克任著以璘沁次子巴圖

襲德勒克加恩別封輔國公

七次襲巴圖璘次子乾隆二十一年襲扎薩克  
多羅郡王三十年

命御前行走四十八年扈

駕幸盛京

諭獎其効力久克抒忱悃

賜親王品級四十九年理藩院議巴圖親王品級係

恩封例弗予襲俟出缺時請

旨

詔如議

附固山貝子德勒克列傳

德勒克郡王璘沁長子尚和碩和婉公主授和碩額駙乾隆二十一年封輔國公四十八年

諭曰德勒克係璘沁長子本應承襲王爵前因德勒克身體稍弱伊弟巴圖騎射較優故令巴圖承襲德勒克授以公爵在內廷行走又在清字經館譯辦經卷

宣力有年著加恩晉封固山貝子尋擢理藩院額外

侍郎充

國史館副總裁四十九年理藩院議德勒克貝子爵

係

恩封例弗予襲俟出缺時請

旨

詔如議

扎薩克固山貝子滿珠習禮列傳



滿珠習禮巴林部人姓博爾濟吉特郡王色布騰  
從弟天聰七年來朝貢駝馬八年隨大軍由扎木  
哈克入明獨石口下保安至應州克堡三

賚甲胄弓刀銀幣崇德元年

命大臣宣諭朝鮮滿珠習禮遣屬恩克森齎書從遇明皮  
島兵阻擊之斬馘二得

優賚三年從征喀爾喀扎薩克圖汗四年隨武英郡王阿  
濟格征明連山尋追論從征喀爾喀私稱馬瘡先

歸罪應奪官屬

詔從寬罰十戶六年來朝貢駝馬貂皮順治五年封扎薩

克固山貝子

詔世襲罔替康熙十一年卒子烏爾占襲

一次襲烏爾占滿珠習禮長子康熙十二年襲扎

薩克固山貝子十四年偕右翼郡王鄂齊爾隨撫

遠大將軍信郡王鄂扎勦察哈爾叛人布爾尼四

十五年卒子鄂齊爾桑襲

卷二十八  
二次襲鄂齊爾桑烏爾占長子康熙四十五年襲  
扎薩克固山貝子五十八年卒子巴特瑪襲

三次襲巴特瑪鄂齊爾桑長子康熙五十八年襲  
扎薩克固山貝子乾隆三年卒子二長諾捫額爾  
赫圖次達色相繼襲

四次襲諾捫額爾赫圖巴特瑪長子乾隆三年襲  
扎薩克固山貝子八年卒弟達色襲

五次襲達色巴特瑪次子乾隆八年襲扎薩克固

山貝子十二年卒子薩木丕勒多爾濟襲

六次襲薩木丕勒多爾濟達色長子乾隆十二年襲扎薩克固山貝子

附固山貝子色稜列傳

色稜貝子滿珠習禮從弟天聰二年尚郡君授多羅額駙三年

上統師征明色稜等以兵會馬多瘠

諭責之曰朕諭爾等善養馬匹勿輕騎用以備征討爾等

違令嗜獵致馬羸兵乏行將何益

命却所貢諸扎薩克議罪應罰駝馬甲冑

詔免崇德六年來朝貢駝馬貂皮

賜布幣器物尋從圍錦州敗明兵於松山七年秋叙功獲  
優賚冬從貝勒阿巴泰征明下薊州趨山東攻克兗州明  
年凱旋獻俘

賜宴順治二年卒五年追贈固山貝子以其子溫春襲

詔世襲罔替

一次襲溫春色稜長子順治五年襲固山貝子康

熙十三年

詔偕右翼台吉格呼爾圖督兵赴兗州協勦逆藩吳三桂  
十八年撤還二十七年卒子額爾德尼襲

二次襲額爾德尼溫春長子康熙二十八年襲固  
山貝子五十年卒子扎什納木塔爾襲

三次襲扎什納木塔爾額爾德尼長子康熙五十  
年襲固山貝子乾隆十二年卒子策聆敦多克襲

四次襲策噶敦多克扎什納木塔爾長子乾隆十  
二年襲固山貝子十七年卒子多爾濟喇布坦襲  
五次襲多爾濟喇布坦策噶敦多克長子乾隆十  
七年襲固山貝子

欽定外藩蒙古回部王公表傳卷之二十八

欽定四庫全書

欽定外藩蒙古回部王公表傳卷之二十九

傳第十三

扎魯特部總傳

扎魯特部在喜峰口外至

京師千五百有十里東西距百二十五里南北距四百六十里東界科爾沁西界阿魯科爾沁南界喀爾喀左翼北界烏珠穆沁元太祖十八世孫烏巴



什稱偉徵諾顏號所部曰扎嚕特子二長巴顏達  
爾伊勒登次都喇勒諾顏巴顏達爾伊勒登子五  
長忠圖傳子內齊相繼稱汗次賡根次忠嫩次果  
弼爾圖次昂安都喇勒諾顏子二長色本次瑪尼  
初皆服屬於喀爾喀

太祖高皇帝甲寅年內齊以其妹歸我貝勒莽古爾泰忠  
嫩及從弟額爾濟格亦來締姻天命四年秋大軍  
征明鐵嶺色本偕從兄巴克等隨喀爾喀台吉齋

賽以兵萬餘助明為我軍陣擒冬內齊額爾濟格  
額騰鄂爾齋圖多爾濟桑阿爾齋弼登圖偕喀爾  
喀卓哩克圖洪巴圖魯等遣使乞盟

許之

遣大臣往莅盟其宰桑扣肯屬有來奔者

上以盟不可渝拒弗納旋釋色本巴克歸八年巴克來朝  
命釋其質子鄂齊爾桑與俱歸而忠嫩昂安等屢以兵掠  
我使齋往科爾沁之服物及馬牛

上遣軍征之斬昂安俘其衆忠嫩子桑圖以孥被擒來朝  
乞哀

詔歸令完聚未幾所部諸台吉復背盟襲我使固什於漢  
察喇及遼河畔掠財物十一年

命大貝勒代善率師往討斬鄂爾齋圖擒巴克多爾濟桑  
阿爾齋鄂齊爾桑及岱青拉什希布額多倫扎木  
素阿穆克拉卜什岱青等凡十四台吉師還仍

詔釋歸尋為察哈爾林丹汗所掠往依科爾沁天聰二年

內齊色本暨瑪尼巴雅爾圖岱青桑圖桑古爾桑  
阿爾濟果弼爾圖等先後率屬來歸台吉喀巴海  
殺察哈爾台吉噶爾圖以俘七百獻

賜號偉徵三年奉

敕定隨征軍令尋以越界駐牧自議罪內齊色本瑪尼及  
果弼爾圖巴雅爾圖岱青請各罰駝十馬百

詔寬之各罰馬一是年冬隨征明入龍井關克遵化薄北  
京明兵屯城東蒙古諸部不俟整隊驟進失利惟

色本及瑪尼敗敵得

優賚五年春

詔議台吉岱青罪先是大貝勒代善陣擒岱青子善都往  
奔科爾沁越二年歸

詔留贍養嗣從大軍征明貝勒莽古爾泰與明兵戰城東岱  
青善都遁走又誣訐貝勒阿濟格縱屬殺人至是  
論罪應斬

上特宥之奪所屬人戶分給莽古爾泰阿濟格六年內齊

色本瑪尼喀巴海等從征察哈爾

諭獎其實心効力尋隨貝勒阿濟格畧明大同宣府邊八年由獨石口進攻朔州是年冬

遣大臣赴碩翁科爾定諸藩牧以諾綽噶爾多布圖烏魯木為扎嚕特界崇德二年由朝鮮進征瓦爾喀三年隨征喀爾喀扎薩克圖汗五年春從征索倫

賜台吉桑古爾及阿玉什琥賴阿爾蘇瑚岳博果等蟒服貂裘甲冑弓矢冬以台吉肯哲赫追擒茂明安逃

人功

賜號達爾漢順治元年從入山海關擊流賊李自成五年  
詔編所部佐領時內齊色本卒以內齊子尚嘉布掌左翼  
色本子桑噶爾掌右翼各授扎薩克貝勒康熙十  
四年察哈爾布爾尼叛且陰煽諸部二等台吉根  
都什希布以不附逆封鎮國公後停襲二十九年  
隨大軍征噶爾丹二等台吉科克晉四等台吉衮  
楚克色爾濟額爾德尼陣歿俱贈一等台吉

賜號達爾漢雍正元年所部歉收

詔發帑賑之十一年選兵隨勦噶爾丹策凌隸教漢台吉

羅卜藏軍所部二旗左翼駐齊齊靈花拖羅海山

北右翼駐圖爾山南隸昭烏達盟爵四扎薩克多

羅貝勒一扎薩克多羅達爾漢貝勒一附鎮國公

一輔國公一

追封多羅貝勒內齊列傳

後授扎薩克

內齊扎魯特部人姓博爾濟吉特元太祖二十一



世孫初繼父忠圖稱汗天聰三年來朝八年從征  
明朔州克堡三崇德二年

遣大臣阿什達爾漢赴其部理庶獄

諭曰朕聞內齊等所屬有牧產者輒為同部人誣訐強奪  
其將何以聊生且朕令彼統轄本欲其愛養之而反虐  
使之乎內齊前已認過復誣咎於昆弟朕不之信爾其  
詳慎審擬告訐如實則已倘辭虛即以所罰牲畜給被  
訐者嗣後部人相侵嚴行申禁三年內齊率子尚嘉布

從征喀爾喀師還以巴林台吉滿珠習禮私遣兵  
還牧奪所屬之半

賜內齊四年從征明錦州分守烏忻河口七年叙從征功  
得

優賚尋卒順治五年追封多羅貝勒以其子尚嘉布襲  
詔世襲罔替

一次襲尚嘉布內齊長子天聰三年從征明朔州  
九年來朝獻駝馬崇德八年賀征明捷

賜宴順治五年襲多羅貝勒領扎薩克十年卒子奇塔特

襲

二次襲奇塔特尚嘉布長子順治十年襲扎薩克  
多羅貝勒十三年卒子扎木布襲

三次襲扎木布奇塔特長子順治十三年襲扎薩  
克多羅貝勒康熙十四年隨信郡王鄂扎勦察哈  
爾叛人布爾尼二十九年卒子畢魯瓦襲

四次襲畢魯瓦扎木布長子康熙二十九年襲扎

薩克多羅貝勒雍正十二年卒子索諾木襲

五次襲索諾木畢魯瓦長子雍正十二年襲扎薩克多羅貝勒乾隆二十五年卒子錫勒塔喇襲

六次襲錫勒塔喇索諾木第七子乾隆二十五年

襲扎薩克多羅貝勒四十三年卒子衮布扎布襲

七次襲衮布扎布錫勒塔喇長子乾隆四十三年

襲扎薩克多羅貝勒

追封多羅達爾漢貝勒色本列傳

後授扎薩克

色本扎魯特部人姓博爾濟吉特貝勒內齊從叔  
父初以兵助明為我軍陣擒天命五年

釋之歸

賚表帶鞍馬色本誓曰臣有罪被擒蒙

上養今又令還若不感

恩圖報殃及臣身色本既還以避察哈爾往依科爾沁莫

之恤天聰二年偕弟瑪尼來朝

賜宴三年隨大軍由都爾弼征明薄北京擊敗敵衆

賜號達爾漢巴圖魯四年從攻昌黎分兵圍其城北八年  
從征明朔州克臺堡十一年來朝得

優賚歸尋卒順治五年追封多羅達爾漢貝勒以其子桑  
噶爾襲

詔世襲罔替

一次襲桑噶爾色本次子崇德三年從征喀爾喀  
獻駝馬於喀爾占師還以巴林台吉滿珠習禮私  
遣兵還牧奪所屬之半

賜桑噶爾四年從征明錦州分守烏忻河口六年從征松山七年獻駝馬叙從征功得

優賚順治五年正月襲多羅達爾漢貝勒領扎薩克九月來朝

賜宴康熙五年卒子班達哩襲

二次襲班達哩桑噶爾長子康熙五年襲扎薩克多羅達爾漢貝勒十四年隨信郡王鄂扎勦察哈爾叛人布爾尼二十七年卒子畢哩克圖襲

三次襲畢哩克圖班達哩長子康熙二十七年襲  
扎薩克多羅達爾漢貝勒四十四年卒子諾捫拉  
拜襲

四次襲諾捫拉拜畢哩克圖第三子康熙四十四  
年襲扎薩克多羅達爾漢貝勒四十七年卒子阿  
第沙襲

五次襲阿第沙諾捫拉拜長子康熙四十七年襲  
扎薩克多羅達爾漢貝勒乾隆二十九年以第五



子德爾格勒庫詭稱台吉青達瑪尼嗣子謀襲所  
遺達爾漢號事覺

詔削扎薩克職次子固魯扎布襲是年阿第沙卒

六次襲固魯扎布阿第沙次子初授一等台吉乾  
隆二十九年襲扎薩克多羅達爾漢貝勒三十五  
年卒子袞楚克扎布襲

七次襲袞楚克扎布固魯扎布次子乾隆三十五  
年襲扎薩克多羅達爾漢貝勒三十九年卒子噶

爾桑襲

八次襲噶爾桑衮楚克扎布長子乾隆三十九年  
襲扎薩克多羅達爾漢貝勒

附 追封鎮國公瑪尼列傳

瑪尼貝勒色本弟天聰三年隨大軍薄明北京力  
戰敗敵

賜號青巴圖魯八年偕色本來朝獻駝馬貂皮

賜宴復從征明崇德三年隨征喀爾喀貢駝馬順治五年

卒追封鎮國公以其子茂奇塔特襲

詔世襲罔替

一次襲茂奇塔特瑪尼長子順治五年襲鎮國公  
康熙三十一年卒子巴圖襲

二次襲巴圖茂奇塔特次子康熙三十一年襲鎮  
國公四十七年卒子素哩襲

三次襲素哩巴圖長子康熙四十七年襲鎮國公  
雍正三年卒子察罕齡華襲

四次襲察罕齡華素哩長子雍正三年襲鎮國公  
乾隆二十三年卒子納遜額爾克圖襲

五次襲納遜額爾克圖察罕齡華長子乾隆二十  
三年襲鎮國公三十七年卒子色稜扎布襲

六次襲色稜扎布納遜額爾克圖長子乾隆三十  
七年襲鎮國公

附輔國公朋素克列傳

朋素克貝勒噶爾桑族初授一等台吉

命乾清門行走乾隆四十八年

諭曰扎魯特一等台吉朋素克管理圍場有年在乾清

門行走亦屬奮勉著加恩封輔國公四十九年理藩

院議朋素克公爵係

恩封例弗予襲俟出缺時請

旨

詔如議

欽定外藩蒙古回部王公表傳卷之二十九

欽定四庫全書

欽定外藩蒙古回部王公表傳卷之三十

傳第十四

阿魯科爾沁部總傳

阿魯科爾沁部在古北口外至

京師千三百四十里東西距百三十里南北距四百

二十里東界扎魯特西界巴林南界喀爾喀左翼

北界烏珠穆沁元太祖弟哈布圖哈薩爾十三傳

至圖美尼雅哈齊子三長奎蒙克塔斯哈喇游牧  
嫩江號嫩科爾沁其裔詳科爾沁部總傳次巴袞  
諾顏次布爾海游牧呼倫貝爾巴袞諾顏子三長  
昆都倫岱青號所部曰阿魯科爾沁以別於嫩科  
爾沁子達賚稱楚琥爾嗣為部長次哈貝巴圖爾  
裔不著次諾延泰子四號四子部落布爾海裔號  
烏喇特詳各部總傳阿魯科爾沁與四子部落烏  
喇特茂明安翁牛特阿巴噶阿巴哈納爾及喀爾

喀内外扎薩克統號阿魯蒙古初皆服屬於察哈爾以林丹汗不道天聰四年達賚暨子穆彰率屬來歸

命諸貝勒郊迎五里

賜宴八年

遣大臣赴碩翁科爾定諸藩牧以兩白旗外塔喇布拉克遜島為其部界崇德元年

宣諭朝鮮其部德赫拜達爾齋書從遇明皮島兵阻擊敗



之還得

優賚先是阿魯科爾沁設兩旗達賚穆彰各領一至是始  
并兩旗為一以穆彰領之嗣從征朝鮮瓦爾喀索  
倫喀爾喀及明濟南錦州松山薊州順治元年從  
入山海關擊流賊李自成叙功授扎薩克爵固山  
貝子康熙二十七年噶爾丹侵喀爾喀

諭所部兵防蘇尼特汎二十八年部衆乏食

賜粟賑之二十九年二等台吉棟紐特從征噶爾丹見賊

勢熾慷慨謂衆曰我等受

恩深若稍退何面目見

聖顏乎率兵三百趨前戰皆歿陣三十年贈一等台吉世

襲達爾漢號是冬理藩院議給所部貧戶米穀

諭曰賞給米穀應調蒙古駝馬運送時值隆冬輸輓殊艱  
恐領米之人不能運到必致沿邊私糶不如量米給銀  
到彼甚易貧人得沾實惠三十五年

上親征噶爾丹偵賊沿克魯倫河至額哲特圖哈卜齊爾

地

諭嚴防汛界四十三年

遣大臣往訊盜案宣

諭扎薩克戢所部務令無盜四十八年固山額駙巴特瑪

妻縣君以屬人不遵令請獻戶口

諭暫遣官理後不為例雍正五年

賜所部貧戶銀九年從大軍勦噶爾丹策凌十三年

遣官齎銀賑飢所部一旗駐牧琿圖山東隸昭烏達盟其

爵為扎薩克多羅貝勒由固山貝子晉襲

追封多羅貝勒扎薩克固山貝子穆彰列傳

今襲扎薩

克多羅  
貝勒

穆彰阿魯科爾沁部人姓博爾濟吉特元太祖弟  
哈布圖哈薩爾十七世孫天聰四年隨父達賚來  
歸五年

上征明大凌河將還師聞察哈爾林丹汗侵達賚牧境  
命移師往征偵遠遁乃還六年穆彰會大軍征察哈爾

諭曰爾等為察哈爾所逐來歸我國朕屢令移牧近地乃不遵朕旨致被掠屬國為人所襲朕猶有憾爾等躬罹其害積怨自深當思藉朕力以復仇乃不散給爾馬不多發爾兵何耶尋以林丹汗西奔追之不及

命穆彰等往大同宣府界收察哈爾部衆之竄入明邊者七年穆彰偕台吉阿玉什巴爾巴圖魯等貢駝馬八年春達賚來朝

御殿設宴

命與翁牛特部遜杜稜濟農分坐左右以優異之夏達賚  
穆彰偕台吉阿玉什奇塔特海色等從大軍征明  
由喀喇鄂博入得勝堡至大同克堡四臺一師旋  
以翁牛特柰曼二部違令議罰駝馬

詔給達賚崇德元年

諭穆彰曰爾父年高嗜酒部務皆爾掌管凡賦役務期均  
平爾若不敬父母更敬何人凡物皆可求而有之父母  
之年可再得耶是年冬穆彰從征朝鮮二年進征瓦爾

喀俘獲甚衆師還率諸台吉塔布囊獻駝馬

賚甲冑緞布先是所部阿布爾瑚遁追之又半途輒返至是事覺之信尋阿布爾瑚遁追之又半途輒返至是事覺  
議罰馬百二十

詔宥減之三年春喀爾喀扎薩克圖汗擁衆逼歸化城

上統師征穆彰偕台吉海色固魯等以兵會偵扎薩克圖汗遁乃還復遣兵從睿親王多爾袞入明邊攻克山東是年達賚卒四年穆彰從征明松山以兵不

及額議罰馬五十

詔宥之六年春貢駝馬時台吉阿玉什瑪尼等以從征索

倫凱旋各

錫賚有差夏遣兵從証明錦州其屬翁阿柰擊敵松山有

功

優賚之七年穆彰尚郡主授和碩額駙是年冬遣兵從征

明薊州其屬卓弼泰敗總兵白騰蛟軍八年遣台

吉海色等獻俘順治元年叙功封扎薩克固山貝



子四年卒五年追封多羅貝勒以其子珠勒扎幹

襲

詔世襲罔替

一次襲珠勒扎幹穆彰長子尚郡主授和碩額駙

順治五年襲扎薩克多羅貝勒八年追叙其祖父

來歸功晉多羅郡王康熙十四年從撫遠大將軍

信郡王鄂扎勦察哈爾叛人布爾尼十七年卒子

十長色稜襲郡王次璘沁授台吉次楚依亦襲郡

王次巴特瑪授和碩額駙次敦岳特次囊楚特次  
垂達爾次阿奇爾圖次烏爾津次喇特納均授台  
吉

二次襲色稜珠勒扎幹長子尚郡主授和碩額駙  
康熙十七年理藩院奏珠勒扎幹郡王爵非世襲  
其子應降等

詔仍襲多羅郡王二十三年

上行獵古北口外色稜偕弟巴特瑪督圍場

賜宴復以其部多盜

諭撫恤部衆二十七年以耽酒削爵

命其弟楚依襲貝勒

三次襲楚依珠勒扎幹第三子康熙二十七年襲  
扎薩克多羅貝勒二十九年隨大軍偵擊噶爾丹  
至索約勒濟河深入搏戰中創陷賊不屈歸三十  
年晉多羅郡王四十三年卒子穆寧襲貝勒

四次襲穆寧楚依長子康熙四十三年襲扎薩克

多羅貝勒四十六年卒無嗣從弟旺扎勒襲

五次襲旺扎勒色稜次子康熙四十八年襲扎薩  
克多羅貝勒雍正五年卒子達克丹襲

六次襲達克丹旺扎勒長子雍正五年襲扎薩克  
多羅貝勒

欽定外藩蒙古回部王公表傳卷之三十

欽定四庫全書

欽定外藩蒙古回部王公表傳卷之三十一

傳第十五

翁牛特部總傳

翁牛特部在古北口外至

京師七百六十里東西距三百里南北距百六十里

東界阿魯科爾沁西界承德府南界喀喇沁及敖

漢北界巴林及克什克騰元太祖弟諤楚因稱烏

真諾顏見元史表其裔蒙克察罕諾顏有子二長  
巴延岱洪果爾諾顏號所部曰翁牛特次巴泰車  
臣諾顏別號喀喇齊哩克部皆稱阿魯蒙古巴延  
岱洪果爾諾顏再傳至圖蘭號杜稜汗子七長遜  
杜稜次阿巴噶圖琿台吉次棟岱青次班第偉徵  
次達拉海諾木齊次薩揚墨爾根次本巴楚琥爾  
巴泰車臣諾顏三傳至努綏子二長噶爾瑪次諾  
密泰岱青初皆服屬於察哈爾以林丹汗不道天

聰六年遜杜稜棟岱青暨喀喇齊哩克台吉噶爾瑪率屬來歸是年

上親征察哈爾各選兵從林丹汗遁復從貝勒阿濟格赴大同宣府收察哈爾部衆之竄入明邊者師旋

優賚遣歸自是其部稱翁牛特以喀喇齊哩克附之不復冠阿嚕舊稱七年春棟岱青噶爾瑪來朝班第偉徵達拉海諾木齊薩揚墨爾根本巴楚琥爾等相繼獻駝馬冬遜杜稜復率衆來朝八年



遣大臣赴碩翁科爾定諸藩牧以扈拉瑚琥呼布哩都為  
翁牛特部界有察哈爾宰桑額琳奇岱青及多爾  
濟達爾漢諾顏者遜杜稜族也相繼來歸

詔授世職別隸內蒙古旗是冬班第偉徵達拉海諾木齊  
以越界游牧罪議罰駝百馬千

詔從寬罰十之一復以罰柰曼部駝馬

命分給遜杜稜棟岱青崇德元年

詔編所部佐領以遜杜稜掌右翼爵多羅杜稜郡王棟岱

青掌左翼號多羅達爾漢岱青各授扎薩克三年  
喀爾喀扎薩克圖汗擁衆逼歸化城

上親征之棟岱青班第偉徵達拉海諾木齊薩揚墨爾根  
本巴楚琥爾噶爾瑪等以兵會傾扎薩克圖汗遁  
乃還四年棟岱青率宰桑烏巴什和尼齊等從大  
軍征明六年圍錦州松山設伏高牆大路及桑阿  
爾齋堡遇杏山逃卒追擊之斬獲甚衆七年叙功  
賜棟岱青噶爾瑪和尼齊等布幣有差復追議松山掘

壕時宰桑烏巴什以誦經故不親督兵及暮又失  
守望罪論死

詔宥之達拉海諾木齊及綽克圖巴木布等復從貝勒阿  
巴泰證明八年來獻俘

賜宴順治元年從入山海關擊流賊李自成復追叙部將  
噶勒嘛從證明功

賜號達爾漢康熙十五年以勦逆藩吳三桂

詔選兵赴河南駐防十六年調荊州十八年撤還二十二

年以其部多盜

諭撫衆及弭盜法二十六年

上閱兵盧溝橋

命其部來朝人從觀二十七年選兵赴蘇尼特汛防禦噶

爾丹三十四年所部乏食

遣官往賑三十五年

上親征噶爾丹

詔徵兵五百運中路軍糈給器糒三十六年朔漠平

賚運糧兵銀五十六年理藩院奏翁牛特及克什克騰諸  
扎薩克請令公勘地址有越界伐木者論罪從之  
雍正五年

賜銀賑所屬貧戶九年隨大軍勦噶爾丹策凌乾隆二十  
年從征達瓦齊所部二旗右翼駐英什爾哈齊特  
呼朗左翼駐扎喇峰西隸昭烏達盟爵四扎薩克  
多羅杜稜郡王一附固山貝子一鎮國公一扎薩  
克多羅達爾漢岱青貝勒一

扎薩克多羅杜稜郡王遜杜稜列傳

遜杜稜翁牛特部人姓博爾濟吉特元太祖弟諤

楚因之裔初為阿魯部濟農天聰六年扈

駕征察哈爾會師昭烏達

命與大貝勒代善同坐以優異之

賜宴及甲冑師旋獻駝馬

賜御衣及冠帶銀幣七年

賚鞍轡甲冑尋遣子衮布扎布來朝復率宰桑烏巴什貢

駝馬貂皮八年春

御殿設宴

命與阿魯科爾沁部達賚分坐左右

賚甲胄雕鞍貂裘弓刀銀幣夏復從征察哈爾自龍門口

入明邊至大同克堡三崇德元年封扎薩克多羅

杜稜郡王

詔世襲罔替先是有明錦州蒙古卒襲遜杜稜牧殺耕民  
百餘遜杜稜匿不報二年明兵復潛至殺二十餘

聞

人奪馬百遜杜稜遣宰桑烏巴什追之不及乃以

諭令嚴防禦順治二年卒子衮布扎布先卒孫博多和襲

一次襲博多和遜杜稜孫尚郡主授多羅額駙順

治二年襲扎薩克多羅杜稜郡王十七年卒子二

長畢哩衮達賚襲郡王次鄂齊爾封固山貝子後

亦襲郡王

二次襲畢哩衮達賚博多和長子順治十八年襲



扎薩克多羅杜稜郡王康熙十四年察哈爾布爾  
尼叛畢哩袞達賚偕弟鄂齊爾隨撫遠大將軍  
信郡王鄂扎討平之三十一年卒子蒼津襲

三次襲蒼津畢哩袞達賚次子初名班第後

賜今名康熙三十二年襲扎薩克多羅杜稜郡王三十九  
年以所屬馬乏

詔給察哈爾牧場馬八百四十一年

上幸塞外

主蹕努瑚岱昂阿蒼津率諸台吉來朝其所居舊名營

谷

諭改稱巴顏鄂爾齊圖四十五年尚和碩溫恪公主授和

碩額駙是年

駕幸巴顏鄂爾齊圖諸台吉歡迎道左

錫賚有差五十九年以乏食請借支倉粟

詔如所請雍正五年以擅請準噶爾使入藏煎茶罪論削

爵

命其叔父鄂齊爾襲

四次襲鄂齊爾博多和次子初由一等台吉封輔  
國公晉固山貝子互見彼傳雍正五年襲扎薩克  
多羅杜稜郡王授盟長十一年卒子羅卜藏襲  
五次襲羅卜藏鄂齊爾次子初襲固山貝子互見  
彼傳雍正十一年晉襲扎薩克多羅杜稜郡王是  
年駐防科布多軍十三年撤還授副盟長乾隆二  
年卒子齊旺襲

六次襲齊旺羅卜藏長子乾隆三年襲扎薩克多  
羅杜稜郡王尋卒子布扎達布襲

七次襲布扎達布齊旺長子乾隆三年襲扎薩克  
多羅杜稜郡王四十二年卒子旺楚克襲

八次襲旺楚克布扎達布長子乾隆四十二年襲  
扎薩克多羅杜稜郡王

欽定外藩蒙古回部王公表傳卷之三十一

欽定四庫全書

欽定外藩蒙古回部王公表傳卷之三十二

傳第十六

附 固山貝子鄂齊爾列傳

鄂齊爾杜稜群王博多和次子初授一等台吉康熙十四年從杜稜群王畢哩衮達賚勒察哈爾叛人布爾尼二十六年

上韋塞外以扈從

賚銀幣嗣每

幸輒扈蹕

錫賚便蕃三十五年從征噶爾丹六十一年四月封輔國

公十一月

諭曰鄂齊爾隨侍

皇考効力多年人甚勤慎朕幼時伊亦隨從行獵著加恩

晉封固山貝子雍正五年

詔晉襲扎薩克郡王其次子羅卜藏襲貝子

一次襲羅卜藏鄂齊爾次子初授三等台吉康熙  
五十八年隨喀爾喀鎮國公策旺諾爾布駐索羅  
木防禦策妄阿喇布坦五十九年策旺諾爾布送  
達賴喇嘛赴藏以羅卜藏為前隊由卜克河進擊  
賊酋大策凌敦多卜於齊諾郭勒次綽瑪喇賊兵  
千餘夜襲軍敗之自達穆河入藏即留駐六十年  
師還晉一等台吉

賜孔雀翎及雍馬褂雍正五年襲固山貝子九年大軍勦



噶爾丹策凌羅卜藏隨喀爾喀親王策凌等敗大  
策凌敦多卜於蘇克阿勒達呼十年統昭烏達哲  
哩木兵二千敗小策凌敦多卜於克爾森齊老及  
額爾德尼昭

詔獎其功晉多羅貝勒雍正十一年晉襲扎薩克郡王其  
兄額爾德尼襲貝子

二次襲額爾德尼鄂齊爾長子雍正十一年襲固  
山貝子是年卒子巴勒丹襲

三次襲巴勒丹額爾德尼長子雍正十一年襲固  
山貝子乾隆十九年議備兵勦達瓦齊巴勒丹獻  
馬助優叙加級三十七年卒子圖捫巴顏襲

四次襲圖捫巴顏巴勒丹次子乾隆三十七年襲  
固山貝子四十九年理藩院議圖捫巴顏所襲貝

子爵係

恩封例弗予襲俟出缺時請

旨

詔如議

附 鎮國公噶爾瑪列傳

噶爾瑪杜稜郡王遜杜稜從子天聰六年遣台吉  
阿喇納諾木齊從征察哈爾七年來朝貢駝馬八  
年率阿喇納諾木齊等從征察哈爾自龍門口入  
明邊至大同噶爾瑪克堡四阿喇納諾木齊克堡  
四臺一崇德三年從貝勒岳託入明墻子嶺薄北  
京下山東嗣從睿親王多爾袞鄭親王濟爾哈朗

等圍錦州松山克之七年叙功

賚幣八年封鎮國公

詔世襲罔替順治五年卒子察罕泰襲

一次襲察罕泰噶爾瑪長子順治五年襲鎮國公

十六年卒子奇塔特襲

二次襲奇塔特察罕泰長子順治十六年襲鎮國

公康熙三十七年以匿掠馬賊議削爵

詔免削罰俸五年四十一年卒子齊旺多爾濟襲

三次襲齊旺多爾濟奇塔特長子康熙四十一年  
襲鎮國公四十五年卒子索諾木襲

四次襲索諾木齊旺多爾濟長子康熙四十五年  
襲鎮國公乾隆六年卒子恭格喇布坦襲

五次襲恭格喇布坦索諾木次子乾隆六年襲鎮  
國公四十六年卒子達瓦什哩襲

六次襲達瓦什哩恭格喇布坦第四子乾隆四十  
六年襲鎮國公

扎薩克多羅達爾漢岱青棟岱青列傳

今襲達爾漢岱青貝

勒

棟岱青翁牛特部人姓博爾濟吉特杜稜郡王遜  
杜稜弟天聰六年扈

駕征察哈爾七年獻駝馬

賚甲冑服幣八年春來朝

賜宴夏復從征察哈爾自龍門口入明邊至大同克臺堡

各一冬偕弟班第偉徵來朝

賚甲冑冠服鞍轡弓刀九年遣屬翁克森喇嘛額木齊喇  
嘛等獻馬崇德元年授扎薩克

賜號多羅達爾漢岱青

詔世襲罔替二年獻駝馬四年來朝六年復來朝七年賀

錦州松山捷順治五年卒子二長肯特爾次素塞

相繼襲

一次襲肯特爾棟岱青長子順治五年襲扎薩克

多羅達爾漢岱青十一年卒無嗣弟素塞襲

二次襲素塞棟岱青次子順治十一年襲扎薩克  
多羅達爾漢岱青尋封固山貝子十八年追叙其  
父棟岱青功晉多羅貝勒

詔仍達爾漢岱青號康熙十四年察哈爾布爾尼叛隨撫  
遠大將軍信郡王鄂扎討平之二十二年卒子額  
璘臣襲

三次襲額璘臣素塞長子康熙二十二年襲扎薩  
克多羅達爾漢岱青貝勒二十六年卒子額勒德



布鄂齊爾襲

四次襲額勒德布鄂齊爾額璘臣長子康熙二十六年襲扎薩克多羅達爾漢岱青貝勒三十七年以匿掠馬賊議削爵

詔免削罰俸五年五十三年隨大軍防禦策妄阿喇布坦雍正八年以病罷子朋素克襲

五次襲朋素克額勒德布鄂齊爾長子雍正八年襲扎薩克多羅達爾漢岱青貝勒乾隆十九年授

盟長三十一年卒子諾爾布扎木素襲

六次襲諾爾布扎木素朋素克長子乾隆三十一年襲扎薩克多羅達爾漢岱青貝勒四十六年卒子濟克濟扎布襲

七次襲濟克濟扎布諾爾布扎木素長子乾隆四十六年襲扎薩克多羅達爾漢岱青貝勒

欽定外藩蒙古回部王公表傳卷之三十二

欽定四庫全書

欽定外藩蒙古回部王公表傳卷之三十三

傳第十七

克什克騰部總傳

克什克騰部在古北口外至

京師八百有十里東西距三百三十四里南北距三百五十七里東界翁牛特及巴林西界浩齊特及察哈爾正藍旗牧廠南界翁牛特北界烏珠穆沁

元太祖十六世孫鄂齊爾博羅特再傳至沙喇勒  
達稱墨爾根諾顏號所部曰克什克騰子達爾瑪  
有子三長索諾木次巴本次圖壘服屬於察哈爾  
天聰八年索諾木率屬來歸崇德六年台吉沙哩  
博羅和雲敦等奉

命赴董家喜峰諸口偵明兵俘斬甚衆順治九年

詔編所部佐領以索諾木領之授扎薩克康熙二十六年  
上閱兵盧溝橋

命其部來朝人從觀二十七年噶爾丹侵喀爾喀

詔選兵防蘇尼特汎二十九年四等台吉穆倫噶爾弼以

偵擊噶爾丹功晉一等台吉三十五年

上親征噶爾丹凱旋以其部設站兵無悞驛務

賚銀幣雍正五年

賜銀賑其屬貧戶所部一旗駐牧吉拉巴斯峰隸昭烏達

盟其爵為扎薩克一等台吉

扎薩克一等台吉索諾木列傳

索諾木克什克騰部人姓博爾濟吉特元太祖二十世孫天聰八年偕同部台吉格根岱青班珠爾達賴杜稜雲敦沙哩博羅和布木巴等來歸崇德四年

命大臣偕外藩諸扎薩克議索諾木及博羅和布木巴不往追四子部落叛逃台吉畢哩克罪應奪人戶

詔罰畜代是年遣貢方物五年偕博羅和雲敦來朝

賜蟒服順治九年授扎薩克一等台吉

詔世襲罔替十三年卒子瑪納瑚襲

一次襲瑪納瑚索諾木長子順治十三年襲扎薩克一等台吉康熙十年卒子阿玉什襲

二次襲阿玉什瑪納瑚長子康熙十年襲扎薩克一等台吉三十四年卒子齊巴克扎布襲

三次襲齊巴克扎布阿玉什長子康熙三十四年襲扎薩克一等台吉乾隆三十六年以酷刑削職子囊濟特扎布襲



四次襲囊濟特扎布齊巴克扎布長子乾隆三十  
六年襲扎薩克一等台吉四十六年卒子根敦達  
爾扎襲

五次襲根敦達爾扎囊濟特扎布長子乾隆四十  
六年襲扎薩克一等台吉

喀爾喀左翼部總傳

喀爾喀左翼部在喜峰口外至

京師千二百有十里東西距百二十五里南北距二

百三十里東界科爾沁西界柰曼南界土默特北  
界扎魯特及翁牛特元太祖十六世孫格呼森扎  
扎賚爾琿台吉居杭愛山始號喀爾喀有子七部  
族繁衍分東西中三路以三汗掌之其長子阿什  
海達爾漢諾顏生子二長巴延達喇為西路扎薩  
克圖汗祖次圖捫達喇岱青子碩壘烏巴什琿台  
吉生子三長俄木布額爾德尼次杭圖岱次衮布  
伊勒登皆為喀爾喀西路台吉隸扎薩克圖汗康

熙三年衮布伊勒登以其汗旺舒克為同族羅卜  
藏台吉額琳沁所戕部衆潰窮無依乃越瀚海來  
歸先是喀爾喀中路土謝圖汗下台吉本塔爾攜  
衆內附封扎薩克親王爵駐牧張家口外至是

詔封衮布伊勒登扎薩克多羅貝勒

賜牧喜峰口外察罕和碩圖以所居地分東西故本塔爾  
稱喀爾喀右翼衮布伊勒登稱喀爾喀左翼蓋自  
國初以來喀爾喀相繼歸誠名凡三曰舊喀爾喀歸

誠最早後編入八旗為內蒙古曰內喀爾喀即今  
隸內扎薩克之喀爾喀左右翼二部曰外喀爾喀  
其歸誠較後即今隸外扎薩克之喀爾喀土謝圖  
汗車臣汗扎薩克圖汗賽因諾顏四部二十九年  
以厄魯特台吉噶爾丹侵喀爾喀土謝圖汗車臣  
汗扎薩克圖汗所居皆被掠先後乞降

詔衮布伊勒登備兵要汛偵禦噶爾丹三十五年  
上由克魯倫河親征

諭其部選兵赴烏爾輝聽調噶爾丹敗遁撤兵還雍正元年所屬歟收

賜帑賑之九年大軍勦噶爾丹策凌選兵赴歸化城駐防尋以護外扎薩克游牧移駐克魯倫河所部一旗駐察罕和碩圖隸昭烏達盟其爵為扎薩克多羅貝勒

扎薩克多羅貝勒衮布伊勒登列傳

衮布伊勒登喀爾喀部人姓博爾濟吉特元太祖

二十世孫康熙三年由瀚海來歸與諸子相失

上憫其播遷

優賚馬牛羊各百尋封扎薩克多羅貝勒

詔世襲罔替四年其長子羅卜藏次子達爾瑪達喇第三子阿玉什踵至並授二等台吉

頒賚馬牛羊十二年來朝

賚鞍馬銀幣會

大閱南苑衮布伊勒登偕巴林郡王鄂齊爾敦漢郡王布

達等扈

駕至晾鷹臺預觀演武復樹侯校射

賜坐設宴衮布伊勒登奏軍容整肅臣所未睹

皇上親發五矢皆中的騎射一發即中臣得仰瞻

神武自謂榮幸無比不虛此生矣二十一年卒子羅卜藏

襲

一次襲羅卜藏衮布伊勒登長子初授二等台吉

康熙二十一年襲扎薩克多羅貝勒三十五年

諭所部兵赴烏爾輝隨勦噶爾丹其屬達什未赴師還論

罪

詔羅卜藏察奏因言收禾未登致馬瘠後期

命宥達什罪四十六年羅卜藏卒子準對襲

二次襲準對羅卜藏長子康熙四十六年襲扎薩

克多羅貝勒五十八年卒子噶爾桑襲


三次襲噶爾桑準對長子康熙五十八年襲扎薩

克多羅貝勒乾隆二十四年卒子阿裕爾襲



四次襲阿裕爾噶爾桑第三子乾隆二十四年襲

扎薩克多羅貝勒



欽定外藩蒙古回部王公表傳卷之三十三

欽定四庫全書

史部

欽定外藩蒙古回部王公表傳卷三十四  
五

主事臣陳若霖覆校

總校官編修臣倉聖脉

欽定四庫全書

欽定外藩蒙古四部王公表傳卷之三十四

傳第十八

烏珠穆沁部總傳

烏珠穆沁部在古北口外至

京師千一百六十三里東西距三百六十里南北距  
四百二十五里東界索倫西界浩齊特南界巴林  
北界瀚海元太祖十六世孫圖魯博羅特由杭愛

山徙牧瀚海南子博第阿喇克繼之有子三分牧  
而處長庫登汗詳浩齊特部總傳次庫克齊圖墨  
爾根台吉詳蘇尼特部總傳次翁袞都喇爾號其  
部曰烏珠穆沁子五長綽克圖號巴圖爾諾顏次  
巴雅號賽音永圖諾顏次納延泰號伊勒登諾顏  
次彰錦號達爾漢諾顏皆早卒次多爾濟號車臣  
濟農與察哈爾同族為所屬以林丹汗不道多爾  
濟偕綽克圖子色稜徙牧瀚海北依喀爾喀天聰

九年大軍收服察哈爾多爾濟偕喀爾喀部車臣  
汗碩壘浩齊特部策稜伊勒登土謝圖蘇尼特部  
素塞巴圖魯濟農阿巴噶部都思噶爾扎薩克圖  
巴圖爾濟農等表貢方物崇德元年

命舊自察哈爾來歸之偉宰桑等齎

敕往諭遂偕其使納木渾津等至自是貢使不絕二年八  
月台吉伊什喀布烏喇坡僧格阿津鏗特克等來  
貢

賚冠服甲冑弓矢布幣十一月多爾濟色稜各率屬由克  
嚕倫來歸三年喀爾喀扎薩克圖汗擁衆逼歸化

城

上統師征多爾濟色稜以兵會偵扎薩克圖汗遁乃還  
賜貢馬台吉巴甘冠服鞵帶五年

賜來朝台吉固穆塔布囊阿哈圖等蟒服綵幣六年

詔授多爾濟扎薩克和碩車臣親王順治三年

詔授色稜扎薩克多羅額爾德尼貝勒以多爾濟掌左翼

色稜掌右翼是年大軍勦蘇尼特部騰機思至喀爾喀以多爾濟屬達喇海嚮導功

賜號達爾漢康熙二十年以所部收鄰喀爾喀因互竊駝馬王大臣等遵

旨議邊汛形勝處各屯兵百許按旗設哨嗣扎薩克能撫衆戢盜者予叙否則論罪二十七年噶爾丹侵喀爾喀

遣大臣赴烏珠穆沁宣

諭扎薩克等防汎三十年阿巴噶台吉奔塔爾首烏珠穆沁台吉車根等叛附噶爾丹語涉扎薩克王素達尼妻

命大臣往勘得車根阿穆爾充科阿達哩諾壘喇扎卜博托和拉扎布阿喇什博羅特綽克圖私給噶爾丹駝馬又令部校阿爾塔等往通信狀罪應死素達尼妻預知應削封號奪所屬人戶素達尼已故應除爵議上



詔治車根等罪免奪人戶素達尼未預謀免除爵襲如初  
三十一年素達尼弟協理台吉烏達喇希妻以烏  
達喇希証車根等從逆狀乞予叙理藩院議烏達  
喇希故應贈輔國公令予袞布扎布襲從之後停  
襲三十四年噶爾丹復侵喀爾喀

詔所部選兵駐汛三十五年偵噶爾丹至額哲特圖哈卜  
濟爾赴烏爾輝聽調是年

上親征噶爾丹還

賜坐塘諸弁兵銀五十五年選兵隨大軍防禦策妄阿喇  
布坦雍正九年議勦噶爾丹策凌

詔徵烏珠穆沁西各扎薩克兵三千駐烏喇特汛防四十  
九旗游牧復

諭烏珠穆沁別以兵駐克嚕倫河十年移駐達哩剛愛十  
三年撤還乾隆十二年

詔嘉兩翼扎薩克值所屬災贍貧戶二萬餘王貝勒以  
下各

賜俸半年無俸台吉俱

賜幣有差所部二旗右翼駐巴克蘇爾哈台山左翼駐  
魁蘇陀羅海與浩齊特蘇尼特阿巴噶阿巴哈納  
爾諸部統盟於錫林郭勒爵四扎薩克和碩車臣  
親王一附鎮國公一輔國公一扎薩克多羅額爾  
德尼貝勒一

扎薩克和碩車臣親王多爾濟列傳

多爾濟烏珠穆沁部人姓博爾濟吉特元太祖十

八世孫初號車臣濟農避察哈爾往依喀爾喀車  
臣汗碩壘天聰九年偕碩壘通貢崇德二年率台  
吉奇塔特塔布囊偉徵索諾木博倫達喇海納木  
渾津等來歸

賜宴清寧宮

命王貝勒等分宴之三年二月率子色稜桑阿爾齋垂僧  
格德音楚克及同部噶喇木扎布蘇格岱青錫達  
索諾木都思噶爾和多和沁伊勒扎爾山津武克

索木伊勒畢思德勒格爾袞桑班第岱阿哈土謝圖等從征喀爾喀

賚甲胄弓矢銀幣四年來朝六年正月遣使獻雕鞍及馬七月率大巴拜小巴拜噶喇木扎布伊勒扎爾德勒格爾蘇巴海達喇海沙吉等來朝八月封扎薩克和碩親王留車臣號

詔世襲罔替十一月子桑阿爾齋及台吉額琳臣塔布囊巴朗噶爾瑪伊什喀布納木達爾漢等獻駝馬貂

皮順治二年多爾濟來朝三年卒諸子皆先卒垂  
僧格子察罕巴拜襲

一次襲察罕巴拜多爾濟孫順治三年襲扎薩克  
和碩車臣親王十四年卒子素達尼襲

二次襲素達尼察罕巴拜次子順治十五年襲扎  
薩克和碩車臣親王康熙二十七年選兵駐汛偵  
噶爾丹二十九年卒子三長色登敦多布襲親王  
次塔旺扎木素封鎮國公次德勒克旺舒克封輔

國公各有傳

三次襲色登敦多布素達尼長子康熙三十年襲  
扎薩克和碩車臣親王三十七年請給格勒和朔  
地令就食者墾耕

允之雍正七年

命督工多倫諾爾獻牛車三百助役十一年獻馬五百羊  
千助大軍勦噶爾丹策凌是年卒子阿喇布坦納  
木扎勒襲

四次襲阿喇布坦納木扎勒色登敦多布長子雍正十二年襲扎薩克和碩車臣親王乾隆十三年以病罷子朋素克喇布坦襲

五次襲朋素克喇布坦阿喇布坦納木扎勒長子乾隆十三年襲扎薩克和碩車臣親王

命乾清門行走十九年議備兵勦達瓦齊朋素克喇布坦獻馬助得紀錄四十四年卒子瑪哈索哈襲六次襲瑪哈索哈朋素克喇布坦長子乾隆四十



四年襲扎薩克和碩車臣親王

附追封鎮國公塔旺扎木素列傳

塔旺扎木素車臣親王素達尼次子初授一等台吉康熙五十五年隨大軍防禦策妄阿喇布坦五十八年偕翁牛特台吉羅卜藏等從平逆將軍延信送達賴喇嘛入藏六十一年卒雍正元年叙功追封鎮國公子朋素克喇布坦襲

一次襲朋素克喇布坦塔旺扎木素長子雍正二

年襲鎮國公九年大軍勦噶爾丹策凌朋素克  
喇布坦督錫林郭勒兵駐克魯倫十年偕阿巴噶  
郡王扎木巴勒扎布以兵二千駐達哩剛愛

賚冠服及銀十三年撤退乾隆十七年卒子色稜巴勒都  
布先卒孫喇什丕勒襲

二次襲喇什丕勒朋素克喇布坦孫乾隆十七年  
襲鎮國公四十九年

詔世襲罔替

附輔國公德勒克旺舒克列傳

德勒克旺舒克車臣親王素達尼第三子初授一等  
台吉雍正十年隨喀爾喀親王策凌等敗準噶爾  
賊衆于額爾德尼昭十一年復督錫林郭勒及烏  
蘭察布兵勦賊十二年獻馬二百助軍得

優賚乾隆三年來朝

諭曰德勒克旺舒克前在軍營著有勞績

皇考欲俟軍務竣後施恩今以年班來覲著封輔國公尋

命乾清門行走

賜黃馬褂二十年大軍勦達瓦齊

命赴科爾沁購駝八百馬萬羊三萬送北路軍

賚銀幣二十一年卒子敦多布色稜襲

一次襲敦多布色稜德勒克旺舒克長子乾隆二

十一年襲輔國公三十八年以病罷子瑪哈布爾

尼雅襲

二次襲瑪哈布爾尼雅敦多布色稜長子乾隆三

十八年襲輔國公四十九年

詔世襲罔替

扎薩克多羅額爾德尼貝勒色稜列傳

色稜烏珠穆沁部人姓博爾濟吉特車臣親王多  
爾濟從子父綽克圖號巴圖爾諾顏早卒色稜嗣  
號額爾德尼台吉崇德二年率長子敦多布次子額  
爾克奇塔特等來歸三年偕塔布囊布達什等從  
喀爾喀

賚甲冑弓矢銀幣五年來朝得

優賚六年遣敦多布及塔布囊奇唐等獻駝馬貂皮

賜宴順治三年封扎薩克多羅貝勒留額爾德尼號

詔世襲罔替康熙十年卒諸子皆先卒額爾克奇塔特子

茂里海襲

一次襲茂里海色稜孫康熙十年襲扎薩克多羅

額爾德尼貝勒二十年卒子二長鄂齊爾圖次博

木布相繼襲

二次襲鄂齊爾圖茂里海長子康熙二十年襲扎  
薩克多羅額爾德尼貝勒二十七年卒弟博木布  
襲

三次襲博木布茂里海次子康熙二十七年襲扎  
薩克多羅額爾德尼貝勒二十九年六月噶爾丹  
掠喀爾喀昆都倫博碩克圖袞布至烏爾輝河東  
烏蘭地掠烏珠穆沁戶畜博木布以

聞

敕噶爾丹還所掠噶爾丹不從抗我軍于烏爾輝復入烏  
珠穆沁界尋至烏蘭布通裕親王福全擊敗之六  
十年博木布卒子車布登襲

四次襲車布登博木布長子康熙六十年襲扎薩  
克多羅額爾德尼貝勒雍正十年大軍勦噶爾丹  
策凌車布登獻馬百助軍得紀錄乾隆十八年卒  
子達什衮布襲

五次襲達什衮布車布登長子乾隆十八年襲扎



薩克多羅額爾德尼貝勒

欽定外藩蒙古回部王公表傳卷之三十四

欽定四庫全書

欽定外藩蒙古回部王公表傳卷之三十五

傳第十九

浩齊特部總傳

浩齊特部在獨石口外至

京師千八百一十五里東西距百七十里南北距三百七十五里東及北界烏珠穆沁西界阿巴噶南界克什克騰元太祖十六世孫圖魯博羅特再傳

至庫登汗號其部曰浩齊特弟庫克齊圖墨爾根  
台吉翁衮都喇爾台吉裔詳烏珠穆沁蘇尼特二  
部傳庫登汗孫德格類號額爾德尼琿台吉子五  
長奇塔特扎幹杜稜土謝圖次巴斯琿土謝圖次  
策稜伊勒登土謝圖次奇塔特昆杜稜額爾德尼  
車臣楚琥爾次茂海墨爾根與察哈爾同族為所  
屬以林丹汗不道徙牧瀚海北依喀爾喀天聰八  
年所部台吉額琳臣及塔布囊巴特瑪班第圖嚕

齊宰桑僧格布延徹臣烏巴什等攜戶口駝馬自喀爾喀內附

遣使迎宴

賚甲胄雕鞍蟒服銀幣額琳臣屬有先附者五十三戶仍命轄之九年大軍收服察哈爾策稜伊勒登土謝圖偕烏珠穆沁諸部長表貢方物崇德元年巴斯琿土謝圖偕蘇尼特部來貢二年奇塔特昆杜稜額爾德尼車臣楚琥爾子博羅特率屬來歸順治三年

詔授扎薩克多羅額爾德尼貝勒後晉封郡王八年奇塔  
特扎幹杜稜土謝圖子噶爾瑪色旺攜衆至十年  
詔授扎薩克多羅郡王以博羅特掌左翼噶爾瑪色旺掌

右翼康熙二十七年

詔發拜察儲粟賑其部貧戶復

命給銀三十四年以噶爾丹侵喀爾喀

詔兩翼扎薩克選兵駐界偵禦之三十五年

上親征噶爾丹牧馬郭和蘇台

諭偕蘇尼特阿巴噶阿巴哈納爾部長董牧務凱旋兩翼  
扎薩克率台吉等歡迎道左

諭獎飼秣得宜并

優賚監牧及修道鑿井諸弁兵五十四年所部歉收以唐  
三營儲粟賑之並

遣官往教之漁雍正九年大軍勦噶爾丹策凌

詔選兵分駐克嚕倫河十年移駐達哩剛愛十三年撤還  
所部二旗左翼駐特古哩克呼都克瑚欽右翼駐

烏默赫塞哩隸錫林郭勒盟爵二扎薩克多羅額爾德尼郡王一扎薩克多羅郡王一

扎薩克多羅額爾德尼郡王博羅特列傳

博羅特浩齊特部人姓博爾濟吉特元太祖二十一世孫號額爾德尼諾木齊弟托伊囉號墨爾根岱青初以避察哈爾依喀爾喀車臣汗碩壘崇德二年自喀爾喀來歸三年二月偕托伊囉及塔布囊阿納特達雅固實徹克托爾等從征喀爾喀扎



薩克圖汗

賚甲冑弓矢銀幣五年復偕托伊囉等來朝

賚甲冑弓矢六年四月遣使獻馬十一月復獻七年來朝  
以朝鮮貢物

賜之順治三年封扎薩克多羅貝勒留額爾德尼號七年

晉多羅郡王

詔世襲罔替十一年卒子阿賴充襲

一次襲阿賴充博羅特長子順治十一年襲扎薩

克多羅額爾德尼郡王康熙二十五年卒子達爾瑪吉哩第襲

二次襲達爾瑪吉哩第阿賴充長子康熙二十五年襲扎薩克多羅額爾德尼郡王二十七年督兵五百赴察罕鄂博偵禦噶爾丹四十九年卒子阿嘎尼什達襲

三次襲阿嘎尼什達達爾瑪吉哩第長子康熙四十九年襲扎薩克多羅額爾德尼郡王雍正九年

卒子車稜喇布坦襲

四次襲車稜喇布坦阿嘎尼什達長子雍正九年  
襲扎薩克多羅額爾德尼郡王乾隆二年卒子車  
布登巴爾珠爾襲

五次襲車布登巴爾珠爾車稜喇布坦次子乾隆  
二年襲扎薩克多羅額爾德尼郡王二十年大軍  
勦達瓦齊車布登巴爾珠爾獻馬助得紀錄三十  
一年以病罷子齊蘇嚨多爾濟襲

六次襲齊蘇嚨多爾濟車布登巴爾珠爾長子乾隆三十一年襲扎薩克多羅額爾德尼郡王

扎薩克多羅郡王噶爾瑪色旺列傳

噶爾瑪色旺浩齊特部人姓博爾濟吉特額爾德尼郡王博羅特從弟父奇塔特扎幹杜稜土謝圖早卒子二長即噶爾瑪色旺次班第墨爾根楚琥爾其母圖奎以避察哈爾率二子依喀爾喀車臣汗碩壘久之遂為所屬順治八年噶爾瑪色旺及

弟班第墨爾根楚琥爾率千三百餘人棄喀爾喀  
來歸十年封扎薩克多羅郡王

詔世襲罔替康熙三年卒子阿喇布坦襲

一次襲阿喇布坦噶爾瑪色旺長子康熙三年襲  
扎薩克多羅郡王十一年卒子車布登襲

二次襲車布登阿拉布坦長子康熙十一年襲扎  
薩克多羅郡王二十四年所屬歉收請賑

遣大臣察被災戶口三千餘以拜察儲粟賑之二十六年

卒子三長巴扎爾次雅木丕勒相繼襲次阿穆噶  
什達授台吉

三次襲巴扎爾車布登長子康熙二十六年襲扎  
薩克多羅郡王二十九年卒無嗣弟雅木丕勒襲  
四次襲雅木丕勒車布登次子康熙三十年襲扎  
薩克多羅郡王雍正十年卒子巴特瑪車稜襲

五次襲巴特瑪車稜雅木丕勒長子雍正十年襲  
扎薩克多羅郡王乾隆三年卒無嗣從弟丹津襲

六次襲丹津巴特瑪車稜從弟台吉阿穆噶什達  
子乾隆三年襲扎薩克多羅郡王二十一年卒子  
達什喇布坦襲

七次襲達什喇布坦丹津次子乾隆二十一年襲  
扎薩克多羅郡王四十二年卒子敏珠爾多爾濟  
襲

八次襲敏珠爾多爾濟達什喇布坦長子初授一  
等台吉乾隆四十二年襲扎薩克多羅郡王

欽定外藩蒙古回部王公表傳卷之三十五